



FORMUŁY UROCYSTEGO BŁOGOSŁAWIEŃSTWA NAD LUDEM

(Missale Romanum 2002)

TEMPORE PASCHALI

Sacerdos vel diaconus :

Inclináte vos ad benedictiónem.

Deinde sacerdos, manibus super populum extensis, dicit benedictionem :

S. Deus, qui per resurrectiōnem Unigéniti sui dignátus est vobis bonum redemptiōnis adoptionísque conférre, sua benedictiōne vos tríbuat congaudére.

R. Amen.

S. Et quo rediménte percepístis donum perpétuæ libertatis, eo largiénte hereditatis ætérnæ consórtes éffici valeátis.

R. Amen.

S. Et cui resurrexístis in baptísmate iam credéndo, adiúngi mereámini in pátria cælesti nunc recte vivéndo.

R. Amen.

S. Et benedictio Dei omnipoténtis, Patris, et Filii, + et Spíritus Sancti, descéndat super vos et máneat semper.

R. Amen.